



O Parlamento Europeo admite a trámite a denuncia de [Salvemos Monteferro](#) polos altos índices de contaminación na Foz do Miñor e solicita a investigación da comisión Europea.

A Foz do Miñor é unha das dúas únicas zonas pechadas ao marisqueo en toda España polos seus altísimos niveis de contaminación por augas fecais. Nos últimos 10 anos a contaminación aumentou nun 800%.

Os índices desproporcionados de contaminación da Foz do Miñor contrastan cos criterios medioambientais da ADEAC para concederlle ao seu paseo litoral unha bandeira Azul.

A asociación [Salvemos Monteferro](#) de defensa medioambiental, iniciou en 2011 o trámite de denuncia ante o Parlamento Europeo dada a nula efectividade dos órganos xudiciais españois nas reiteradas denuncias que acumula este enclave.

Os altos índices de contaminación desta zona de alto valor ecolóxico e de biodiversidade, obrigaron á declaración de Zona Pechada ao marisqueo e o seu peche definitivo pese ás tentativas da actual administración autonómica en realizar probas experimentais para ver a posibilidade de depurar os moluscos contaminados nunhas bateas na ría de Ferrol que non conseguiron, polo de agora, depurar o marisco miñorán.

O informe presentado por Salvemos Monteferro recolle análises e datos de diversos organismos oficiais, entre eles o Instituto Tecnolóxico para o Control do Medio Mariño de

Galicia (INTECMAR) e a propia Xunta de Galicia.


Desas análises conclúese que o 85% das ZONAS C (zonas pechadas ao marisqueo por contaminación) de todo o Estado español, atópanse en Galicia, así como o 52.58% das ZONAS B e tan só o 7,14% das ZONAS A pondo de manifesto sobre a falta de a calidade das depuradoras galegas. Comunidades como Andalucía, Cataluña, Comunidade Valenciana, Baleares, Murcia ou Asturias, non teñen ningún espazo catalogado como ZONA C. As únicas zonas pechadas están localizadas en Galicia, en concreto na ensenada de Caranza en Ferrol e a Foz do Miñor no Val Miñor.

A particularidade da Foz do Miñor, en comparación á ensenada de Caranza, é que é un espazo catalogado como LIC Lugar de Interese Comunitario, que pertence á Rede Natura 2000 sendo un humidal refuxo de fauna de especies ameazadas e unha zona protexida pola Lei de Costas, o Plan Xeral de Explotación Marisqueira e a Lei de Augas de Galicia. Suficientes galardóns como para que o concello de Nigrán, durante a pasada celebración do "Día dos humidais" denominase a este lugar como ["A Doñana Galega"](#) aínda que detrás dela, a realidade pon de manifesto un escandaloso "vertedoiro intestinal" no que os tres concellos, Baiona, Gondomar e Nigrán son culpables aínda que de xeito desigual.

O informe, que se pode consultar na [web](#) da asociación ecoloxista, contrasta coas recentes [declaracións do alcalde de Baiona](#) en relación á calidade das augas e á supostas melloras dende a instalación da depuradora. O rexedor baionés saía así ao quite do último informe da Axencia Europea de Medioambiente alegando que o resultado do informe era negativo motivado polo cómputo das análises nos últimos catro anos, e que apartir deste ano as cifras melloraría.

Os datos estatísticos.

Escrito por Redacción
Venres, 08 Xuño 2012 13:07



Reporte de contaminación de la Doñana galega de la Foz do Miñor, 08/06/2011. Fuente: datos de la Comisión Europea, 08/06/2011.

Escrito por Redacción
Venres, 08 Xuño 2012 13:07



[A Comisión Europea investigará os altos índices de contaminación da "Doñana galega" da Foz do Miñor](#)